



# Hmasawanna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67

Contact Numbers pawimaw :  
DC/CCPur : 03874-234234  
SP/CCPur : 03874-236747  
Police Station : 03874-202248  
SP Control Room: 03874-233239  
Dist. Hospital Casualty : 03874-233370  
Fire Brigade : 8974 147 799/  
8258 057 887 / 8974 103 600

Hmasawanna Thar Vol - 32/202

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

## Manipur sawrkar le JACAATB han Memorandum of Understanding an ziek tah May 25 chena zangnadawmna, sawrkar sin pek ding le mithi hai vui ding



CCPUR: May 10, 2017 zantieng 3:30PM khan Mizo People Convention (MPC) Manipur Office Hmuia Veng-ah India sawrkar hrietpuinain Joint Action Committee Against Anti-Tribal Bill (JACA-ATB) le Manipur sawrkar han India sawrkar hrietpuinain Memorandum of Understanding (MoU) an ziek.

dia constitution dungzuia stakeholders hai le inrawntlang ta hlak ding. 2. Manipur tlangmi hai roinrelna hran chungthua JACAATB thil ngen state sawrkarin a hrietpui dungzuin SoO group hail he tripartite talks fe mek chu thei anga thlawp a, thangpui ding, Manipur tlangmi hai interest humhal tlat ding.



dinga District thar a ngen chungthuah chun District Boundary Commission in report an peklut hnungah State Cabinet in a ngaituo ding. 8. Bills dodalna le nuorna nei huna Police han silai an hmetpuok le civil mi han thina an tuok pha chungthu chu State sawrkarin investigation tha taka thaw in mawphurtu hai dan anga hremna a pek ding.

9. Martyrs 8 hai ruong vui loa la um hai May 25, 2017 chena JACAATB in a vuiliem ding ti hai a nih. MoU a hming ziek tuhai chu, H. Mangchinkhup, Chief Confenor, JACA-ATB; B. Dongzalian Simte, President, STC, GHQ; Vanlalrinliana, President, MPC, Manipur; Chinlunthang, President, UZO GHQ; T. Khaiianthang, President, YPA GHQ; H. Pauzachin, President, TCU, HQ le Manipur sawrkar aiawin O. Nabakishore Singh, Chief Secretary, Govt. of Manipur in hming a ziek a, hreputiu in A.N. Jha, Under Secretary, Ministry of Home Affairs, Govt. of India in hming a

ziek. Zanita MoU ziekna huna hin A.N. Jha, Under Secretary, Ministry of Home Affairs, Govt. of India bakah Manipur sawrkar tieng O. Nabakishore Singh, Chief Secretary, Govt. of Manipur; Pema Nanda, Secretary, BJP Manipur State, LM Khaute, IPS DGP, le District aiawin R Sudhan, IAS, DC CCPur, Rakesh Balwal, IPS SP CCPur bakah SDO/CCPur hai an thang. JACAATB tieng chu Convenor H. Mangchinkhup inrawinain Member hai bakah STC GHQ; MPC, Manipur GHP, UZO GHQ; YPA GHP le TCU HQ thuoitu hai an thang.

MoU ziek hma hin Rev. Vanmawia in Bible tiemin hun a tan a, JACAATB a inthawk Nangmuansang Lenthil in MoU tiemdawkna a nei a, O. Nabakishore in sawrkar aiawa tuu a hril zoin MoU hi an ziek a nih. O. Nabakishore Singh in thu a hriinaah, wawisun hi Manipur a dingin lawmna le ni rropui tak a nih tiin a hril a, kum 2015 a thil

tlung paw i a ti thu, inremna a um theina dinga sawrkar le inbiekna wavi iemanizat nei a ni hnunga inremna siem thei dinga hung um le sawrkar thlungpuiin hreputiu dinga palai a hung tirma thuah lawmum a ti thu a hril bawk. Hun liemta thil tlung haiah ingngaidamtuo dinga hriin JACA-ATB in an ngirhmun brie a, inremna siem a ni theina dinga hma an lakna thuah lawmum a ti thu, hmateng district hmasawanna dinga sin tawtlang seng dingin a ngen.

MoU ziek zo hnung hin All Tribal Movement of Lamka (ATWU) GHQ thuoitu han A.N. Jha fetlengin India President kuomah Memorandum an pek. ATWU Memorandum a chun, pasaltha han rorelna indik an hmu ngei theina ding le Manipur tlangram biel Sixth Schedule hnuoia ziek a, Manipur tlangram biel hai Sixth Schedule hnuoia sie a ni hma chu ATWU GHQ in an ngirhmun insawn loa hma an lak pei ding thu hai an zieklang.

## CM-in tlangram khaw Lalhai an hmupui

IMPHAL: Puong ta angin, Chief Minister chu tlangram biela khaw lal (village chiefs) hai le civil society thuoitu hai chu an harsatna chi hran hranhai ngai thla dingin a chengna In ah Nilaini (May 10) khan an hmupui.



Chief Minister chun zing dar 8am a inthawka chawhning dar 1pm chenin pawl hran hran 50 vela inthawka hnam thuoitu mi 500 vel hai harsatna le thangpui an ngaina thuhai a ngaithlaka a. An lekha pekluthai t ha takin a lak khawm. CM chun, tu hnam khawm, tu mimal khawm a lien bik a chin bik ei um nawn a. Hnam tin le mimal tiin mani inzakaina leh ei um ding a nih, tiin, hnam thuoitu le khawtlang thuoitu hai hming list le an harsatnahai pekluta umhai chu photo copy lak wawngin kawl thang a ta. A tul le pawimaw dan ang pein a hun le hmun izirin hnam

thuoitu hai chu inbiekpui thei zing dingin follow-up plan khawm a siem ding thu a hril. Mipui thlang lala MLA le MDC hai chu mipuihai harsatnahai sukkiengna dingin thei tawpa thang laa transparent taka thil thaw dingin a hril tawl a. Thla tina ni 15 pei "Mipuihai Ni" tia puong tah angin mipuiin a hmun le hun an hriet theina dingin biel tin MLA le MDC hai chun mipuihai inhmupuiina ding hmun le hun fel taka a hmanikhata lo puongdar dingin an hriettir a.

Ama khawm a chengna In ah mipuihai harsatnahai hi ni (May 15) hin a ngaithlaka hlak ding thu a hril. CM hin April 11-a Ukhurul a sir tum kham thla tina ni 10 pei chu "Hills Day" le ni 15 pei chu "People's Day" (Mayangi Numit) anga hmang a ni zie ding thu a lo hril ta a. Chu dungzu chun Nilaini (May 10) in a hmasatna dingin tlangram biel mipuihai an hmupui a nih. May 15 khin "People's Day" nei nih nawk a ta, phairam le tlangram mi po po a huom ta ding a nih.

## Education Service Officers Induction training a hawng

IMPHAL: Education minister Mr Th Radheshyam chun, inthanglienna le hmasawanna ding chun, pawl le department, abikin education department hnuoia thawktuh po po thiema an sung peia in update ve pei a tul thu a hril. Education lem chun mihiem le vantlang nun siemthattu a nih leiin a pawimaw zuol tiin, Nilaini Induction Program of Manipur Education Service Officer, State Academy of Training, Takyelpata a neina hunah a hril.



Minister chun ei society hma a sawn theina ding le abikin ei state-a education sukhrat a nih theina dingin

Manipur Education Service Officers hin nina le thaw ding pawimaw tak a nei thu hriin, training-a thanghai chu, training program sukphuisuina ding le education nina indiktak an hriet zuol theina dingin a pawl pawla sieinna buoipui ding le ngaituo ding thu siema assessment dam thaw dingin

an fui tawl a. Hmateng peiah training program tha nawk zuola nei a nih theina dingin feed back hai lak khawm a pawimaw thu; "Education chun thu thar le ngaidan tharhai hriet pei theina a nih a. Trainee hai chun ngaidan hran hran le tharhai an hriet theina dingin group hran hran inthlang kuola mi dang dang le in pawl khawm a tha a nih" tiin a hril. Training-a thanghai chu mi dang le ngaidan le thiema in awma inhriltuo thei ding an nih leiin an hamtha hle thu a hril a. Interaction program a tam leiin tha ti hle thu a hril bawk.

## Dy. CM in DoNER minister an hmupui



NEW DELHI: Manipur Deputy CM Y. Joykumar Singh chun zanikhan New Delhi hmunah Union Minister of State (Ind. Charge) for DoNER) MoS PMO, Personnel, Public Grievances, Pensions, Atomic Energy and Space, Dr Jitendra Singh an hmupui a, hi huna hin Law & Health Minister L. Jayantakumar le Youth and Sports Minister Letpao Haokip han an uop ve.

Dy. CM chun March 15, 2017 a inthawk Manpru

sawrkar thar hmalak tum hai a hriipui a, North East a Helicopter based "Air Clinics" tan dinga rawtna um chungthu khawm an hriitlang a. Hi chungthu hi Pawan Hans le Helicopter service provider dang dang management hai khawm a lo hriipui ta thu Dr Jitendra Singh chun a hril a, NE a Helicopter-based "Air Clinics" hi Manipur state-a inthawk thaw tan a ni dingin a hril. Dy. CM chun Manipur sawrkar thil thaw tum proposal hai DoNER minister kuomah a peklut.

### CHANCHIN LAKTAWI

#### HBTC Office Bearer thar hai

CCPUR: Zanikhan kum 2017-2019 inkar sunga Hmar Bible Translation Committee (HBTC) Office Bearers thar ding hai thlangna nei a ni a, hieng a hnuoia hai hi thlangting an nih.

Chairman: Rev Ros Infimate; Vice Chairman: Dr Lalhmuklien; Secretary: Rev. H.B. Hluothang; Assistant Secretary Rev Lalsandam Songate le Treasurer: Rev. Saithanglur.

#### JE a account hawng hai ta dingin

CCPUR: Joute Enterprise, Rengkai Vengpui-a Bank Account hawng hai ta dingin hi hmuna Passbook chawia mobile number update thei a nita bakah ATM Pin khawm mani ngei fea ATM chawin generate thei a ni tah.

#### Free Screening Camp

CCPUR: Donbosco Higher Secondary School, Salem Veng, CCPur -ah May 12, 2017, 9:30AM -2Pm inkar sung khin kum 15 le a hnuoiteng-hai ta dingin Free Screening Camp for detection of Congenital heart disease huoihawt ning a tih. Inen nuom hai ta dingin Pukhup Medi-Car, Rengkai Road le Donbosco School bakah Catholic Medical Centre, CMC Hospital, Koirengai, Imphal East haiah registration thaw thei a nih.

#### GAS NEWS

Agency : KIM JOE  
Booking : 3rd Feb., 2017 to 3rd March., 2017  
Delivery: 11-05-2017 (THU)  
Time : 9AM-till stock  
STOCK: limited  
DBC/NC ngaiwen thei

## JACAATB le MoU ziekna thuah CM in Press Conference

IMPHAL: Zanita Manipur sawrkar le JACAATB han Memorandum of Understanding an ziek theita le inzawmin zani zan khan Manipur CM N. Biren Singh chun Chief Ministers Secretariat, Imphal-ah Press Conference a ko a. JACAATB le MoU ziek theia a umna thuah lawmna a ti thu, JACAATB CCPur leh inbiekna nei wavi iemanizat nei a ni hnunga MoU ziek ni ani leiin wawisun hi Manipur mipui ta dingin hlimna le



lawmna nih a nih tiin N. Biren Singh chun a hril. Inremna a hung um theina dinga theitawpa hmalatu CCPur based

Bandhs le blockades thawtu hai dan anga hremna pek an ni ding thu hai a hril. MoU a ziek angina thina tuok sungai Rs. 5 lakh seng le sawrkar sin, hliem 48 hai Rs. 50,000 seng May 25, 2017 chena zangnadawmna le dawmdawlna pek an ni ding thu, ruolban talo mi 8 hai kuomah sawmdawlna Rs. 2 lakh seng pek an ni ding thu Memorial Park le Memorial hall bawlna ding sun sawrkarin a pek ding thu hai CM N. Biren Singh chun a hril.

## Thoubal le Kakching -ah General strike; AMFSCGA in darkar 48 General strike

IMPHAL: Thoubal District MP Candidature Demand Committee chun zani zingkar 5AM a inthawk khan Thoubal le Kakching district haiah tiemchin um lovin general strike an thaw taw. General strike lei hin hieng district pahni haia chun nundan pangngai nasa

takin a sukbuoi pha. Manipur a Rajya Sabha MP um sun Haji Abdul Salam thil leia May 25, 2017 nia Rajya Sabha election hung um dingah an Assembly segment 8 hongsunga mi ngei candidate ruot dinga nawrna leia strike hi an thaw a

nih. Haji Abdul Salam kha hieng Assembly segments 8 huom sunga Wabagai Assembly sunga mi a nih. Hieng laizing hin All Manipur Fire Service Candidates' & Guardians' Association (AMFSCGA) chun May 11, 2017 a inthawk darkar 48 General Strike an thaw ding thu an puong. AMFSCGA hin May 10, 2017 chenh Fire Service hnuoia sin lakna Viva-Voce result puong dingin sawrkar an ngen a, sawrkarin a ngaisaknaw leia General Strike hi thaw an tum a nih.

## Ginsuanhau MLA tling lawmna



CCPUR: May 10, 2017 khan Sangaikot Sub-Division-a M. Khaukhuale G. Moanglian khuo haiah Ginsuanhau @ Haupu Zou, 60-Singngat A/C a zawna MLA dinga thlangtinga a um lawmna hun hmang a ni bawk. Ginsuanhau chun, M.Khaukual khuo chu a piengna le a seienna hmun a ni thu, M.Khaukual thangin Sangaikot Sub-Division theitawpa sukhamasawn a ni theina dinga hma lak a tum thu, a hmasatka dingin a piengna khuo a dingin Rs. 15 lakh sengin Community Hall bawl that a ni ding thu a hril.

## Kum 2011-a N. Biren Singh naupa in Irom Roger a kap hlumna thua victims hai thangpuitu SC Lawyers in vauna a dawng

GUWAHATI: March 20, 2011-a Imphal hmun pak-hata tuta Manipur CM hung nitah N. Biren Singh naupa Nongthombam Ajay in Irom Roger silaia a kap hlumna chungthuah kap hluma um sungkuo hai thangpuitu Supreme Court Lawyer/advocate Utsav Singh Bains chun helpawl haia inthawk hi case-ah inrawl ta lo dinga vauna a dawng niin a hril. Nongthombam Ajay hi January, 2017 khan local court chun kum 5 sung jail intang dinga a chungthu a rel angin jail-a intang mek a nih. Vauna a dawng thu hi

Union Ministry of Home Affairs khawm an hriettir ta niin SC advocate Utsav Singh Bains chun a hril. Advocate Bains in home secretary kuoma lekha a thawn a chun, victim family han Manipur High Court-a appeal

an thaw ding le Supreme Court-a tuolthattu chungta petition an file chungthuah March 17-19, 2017 inkar sung khan Imphal-ah an zin a, a kir hnungin March 22, 2017, 3:30AM khan a WhatsApp number +919815907986 fetleng-

an thaw ding le Supreme Court-a tuolthattu chungta petition an file chungthuah March 17-19, 2017 inkar sung khan Imphal-ah an zin a, a kir hnungin March 22, 2017, 3:30AM khan a WhatsApp number +919815907986 fetleng-

appeal thawpuitu ding local lawyer a zawngpui ngiel a. Sienkhawm thlakhait liemta sung khan a lawyer chanpui le Supreme Court a inthawk Manipur High Court ka contact hai chu a hlawsam vawng, an hringna ta dinga tjuma an ngai leiin tukhaw-min case hi an lak nuom nawh tiin Bains chun a hril. Hi le inzawm hin Bains hi zanikhan Manipur High Court-a arguments pending um hai le inzawmin Imphal a hung a, a hung hma hin Manipur a cham sung security thataw pei dingin ngenna a siem a nih. (Express News Service)

**VAWISUN THUPUI**

Nauhai, hun nuhnung tak chu a ni tah, Krista dodaltu hung a tih ti in hriet ang khan, tu khawm hin Krista dodaltu tam tak an hung suok tah; chul-eichun hun nuhnung tak a ni tah ti ei hriet.

- 1 Johan 2:18

**Editorial**  
**Bank le mipui**

Hmasawna le changkangnain a rasuok pakhat chu Bank hi a nih. Khawvel hung inher danglam pei ang bawkin sawrkar khawmin a thil thaw dan hai a hung thlakthleng pei a. Sawrkar policy le programme hran hran hai chu Bank fe thlenga thaw tui a hung ni tawl tah. Hi lei hin Bank chu mi mawl, mi thiem, mi harsa le mi rethai hai po po ta dingin a hung pawimaw ta a. Bank thng lovin ei thaw thei ta nawh. Khawvel hi hung hmasawnin hung changkang pei a ta, Bank pawimawna hi a la hung zuol pei ding a nih. Hmasawna le changkangna ei tihai hi Bank le inzawm tlat a nih. Bank hmang tngkai thiem thiem chu mi hamtha an hung ni pei ding a nih. Hi lei hin mipui ban ei rama Bank um hai hi sawr tngkai ve thei ngei dinga thng ei lak nuom a um. Bank hi mi hausahai ta ding chau a ninaw a, mi rethaihai ta ding khawm a nih ti hi ei hriet a hun ta takzet a nih.

India sawrkar khawma Corruption sukbona ding le sawrkar scheme chi tum tum hai a hmu ding le a fa ding indik tak han an fak phak ngei theina dingin sumfaia inpek nekin Bank fe thlenga pek dingin rem a hung ruot ta leiin mitin ta dingin Bank Account hawng le nei chu makmaw a hung ni tah. Sawrkar thawktuhai hlaw chau ni lovin Job Card hlaw chen Bank fe thlenga pek tan a hung ni ta a nih. Hi lei hin pasiet suonlam thei an ta nawh. Sawrkar hamthatna hmu ve ei nuom a ni chun Bank-ah Account ei hawng a, ei nei ve ngei a hung tui ta a nih.

Ei hriet seng ta angin sawrkar le inzawma thil thawna ding taphawtah Bank Account thng lo chun thaw thei a ni ta nawh. LPG Connection hmu-na ding khawmin Bank Account nei a hung ngai a, Bank Account hi Aadhar Card ang cho ta pawimaw a hung ni ta a nih. Hieng a ni lei hin mihai anga khawsak le dam ei nuom a ni chun Bank Account hi nei makmawa ngai a, neingei ngei ding a nih. Ei PM Narendra Modi hmalakna zarin a pasie takhai ta ding khawma Zero balance a Bank Account hi hawng thei a nih. Khawvel changkang ang peiin ei ram sawrkar khawma sumfai thng lova Card hmanga thil inchawk le indawma a la la hung uor zuol pei ding a ni leiin lo thei lova Bank Account nei tei tei a tui hun hi a la hung um ding a nih.

Sawrkar thil thawna tinrengah Bank hi a hung pawimaw ta em em el a nih. Bank hi sumdawng an ni leiin ei state capital Impal khawpuih lem chu Nationalised Bank hran hran han Branch an nei deu seng tah. Manipur a second Town Churachandpur a khawm Bank hran hran han Branch an hung hawng sup sup a, tuhin chu Nationalised Bank branch ringawt khawm 10 chuong a um ta a nih. Tuta hma khan chu SBI, UBI le Manipur State Cooperative Bank hai chau a lo um hlak a nih. Tu ruok hin chu ei dit le nuomma Bank haiah Account awlsam taka hawng thei a hung ni tah. Bank Branch a hung pung pei hin Churachandpur Town a chenghai khawm hma ei sawn pei ti a hung tarlang a nih. Ram le a mipui han hma ei sawn phawt chun Bank Branch thar hi hawng belsa pei a hung ni ding a nih.

Bank hran hran hai hin dan le dun an nei ve a. Chuhai lai chun Bank-hai hi mipui ta dingin an luong suok ve ding a nih, ti a thngsa ve. Hi thil hi mipui, ram thuoitu le sawrkar khawmin a ngaipawimaw ding a nih. Churachandpur a Bank Branch tum tum hai hi an luong suok ding angin an luong suok naw niin an lang. Mipui han Bank a sum an sielut an ngaipawimaw ang hin mipui kuoma loan peksuok khawm hi ngaipawimaw ngei hai sienla nuom a um. Loan an peksuok ding ang an peksuok naw hi thil indiklo a ni leiin, thuneitu han mipui hmakhuo ngaiin Bank tieng hi nawr ve hai sienla nuom a um hle.

Bank hi mipui leia um an ni a. Mipui leia um an nih ti hi Bank staff-hai hin hrie hai sienla nuom a um. Bank staff tam lem hin chu an Customer-hai an ngaisak naw el chau ni lovin an inza naw taluo a, Bank Customers han harsatna nasa tak an tuok pha mek a nih. Bank staff thenkhat chu bieki thei khawm an ni nawh. An Customer-hai nekin an mobile phone hmet an ngaipawimaw lem. A bikin State Bank of India (SBI) le United Bank of India (UBI) Branch Staff-hai hin an customer-hai annaisak naw zuol bik a, inzana chiterek khawm an nei nawh. Hieng a ni lei hin SBI le UBI a thuneitu han an staff-hai hi an customer-hai ngaisak le inza dingin zilhai sienla nuom a um.

**HNLC Trainer an pe**

**SHILLONG:** Hyn- a Superintendent of Police niewtrep National Liberation Council (HNLC) trainer Self-styled major Combat Syad chu zani hmas zantieng khan East Khasi Hills

**Editorial Board**  
**Lalmalsawm Sellate:** Editor & Publisher  
**Roding L. Sellate:** Jt. Editor  
**Joseph Joute:** Freelance  
**Lalsansuok Pulamte & Samuel Zothanglien@SZ Zote:**Sports  
**Lalruotlien Dulien:** Computer Assistant  
*Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.*

**SOCIAL HARMONY IN A MULTI CULTURAL SOCIETY**

**-Lalhmuok Famhoite Rengkai**

“Social Harmony In A Multi Cultural Society” ti hi ei tawng chun “Hnam zierang tum tum lai khawtlang nun inkhuongruolna” ti a ni deu tak awm. Ei chengna India ram hi hnam hran hran, culture hran hran um khawm ei nih a. India khuo le tui, India danpui hnuoiah lunginruol taka ei chengkhawm thei hi a mawi em em a, huona par chi hran hran le rawng chi hran hran mawi taka an par ang hi a nih.

Piengzie inang zo hnathlakhai hei thlur bing deu ei ta, Ei tubul hlatak sui thei naw inla khawm, China rama Sichuan Province Sinlunga cheng ngei ei ni zie Hmar hla hlua khawm hriet thei a nih. Zo hnathlakhai hi Mongolian Race, Tibeto-Burmaan pawla mi ei nih a, Historian iemanizin China ral an ti leiin Sinlung an suoksan a, Burma ram Shan zawlak umhmun an khuor nawk thu an ziek a nih. Kum iemani zat zet Shan zawla an um hnung chun R un vadung kamah umhmun an khuor nawk a nih. Hi hun lai hin an la mawl hle a, puonkhawng khawm anla thiem naw leiin Nuhmeihai chun ramhruil thilkhawm puonbilah an hmanga, a hminga “Siapsuap” an ti a nih. Pasalhai khawmin ramhruil thilkhawm bawk zakuoah an hmang ve el hlak. Kawl -phai (Kabo Valley) vela an khawsak huna hin tuta Myanmar, Mizoram, Manipur, Assam, Tripura le Chitagong a chenghai hi anla khawsa tlang vawng ni n an lang. Zo hnathlakhai hin Sinlunga inthawka thlangtla niin ei inhril deu vawnga amiruokchu, ko dan ruok chu a dang deu vawnga , Anal in “Khol” Chiru, Kom, Mayin haiin “ Khur” Aimol, Sukte, Vaiphei Thodo, Paite, Zou haiin “Khul” an tih a, Hmarin “Sinlung” Luseiin “ Chhinlung” an tih. Hieng hriil danhai hi dang met met sienkhawm an kaw tak chu “ Khur” amanih “Hnuoi kuo” tina a nih. Zo hnathlakhai hi culture-ah unau ei nizie anlangna tamtak hmu theiin a um a, ei silfenhai, puonhai rimawi le lamhai le ralthuomahai hin anlang chieng em em.

Hieng baka khawm tienami hai le hla hlua hai hin suokna thuhmun ei nizie a suklang bawng. R un le tieu kara an um hnungin, a pahnam bing bing in thlang an hung tla pei ni n anlanga, Thenkhat Mizoram tieng, a then Manipur tieng, a then Assam tieng, a then Meghalaya tieng a then Tripura le Chittagong tieng , thenkhat Burma ramah an chambang nghal bawk. Chengna hmun an dang ang peiin tawng hai le khawsak dan khawm a hung dang met met a, Suokna thuhmun ei nina khawm Pahnam thenkhat lem chun an hung theinghil rak an tah. Mizoram sunga hin zo-hnathlak tawng hran hran hmang tam tak an cheng a, Inhma laia Lushai Hills ni hlak khawm kha 1954 khan Mizo District tia thlak thng a lo ni tah a, chuong ang peiin Mizo District ti khawm chu “ Mizoram” tia thlak a hungni ta pei a nih. Chu chauh khawm chu ni lovin “Lusei tawng” ti khawm “Mizo tawng” tia thlak thng a hung ni ta pei bawk. Hienga thuoitu hmasa haiin zo-hnathlakhai pumkhata ei um theina dinga “MIZO” an lo ti hi pawm ngei chi niin an lang. Leng thil khawm mipui inthuruolna a ni phawt chun sukdanglam thei naw a um nawh a. Mi hmasa thenkhatin “Mizo means any Lushai Tribe” tia hrilfienna an lo pek hi siemthat tumin Mizoram sawrkar le Central YMA haiin hma an lak mek ti hriet a nih. Hieng hun laihin tuta Mizoram ei ti khawm hi “Lushai Hills” ti a ni tlat leiin hienga ziekluta um khawm hi a hun izirin thil awm tak a ni thei bawk. Historian thenkhat haiin “Mizo” a tuma sie a, Paite, Hmar, Kuki, Lai etc. Mizo nivelo anga an ziek khawm an diknaw zie hrein sawisel a hlaw hle. Manipura ngei khawm. Mizo atumin an um a, Hmar, Zomi le Kuki atumin ei um bawka. Hieng anga ei fe pei chun unau ei nina le chikhak hamkhat, tuolchengza ei nina hi theinghilin eiin endang sawng inlaw a um takzet . Mizo ei nina petsan zawnga kal ei pen pei a ni chun tu hnam khawm ngirsuok tak tak thei naw mei nih a, ngirsuok nekin inse-ek ei ta, ei ni ding ang khawm ni phak lovin hnam danghai hmusit le endawngin ei um lem ding a nih. Mizo National Front (MNF) in

Independent an suol hun lai kum 1983 a Iroiseмба Agri. Hostel-a ka um laiin, tukhawm insukhran ding ei um naw zie hieng ang hin ka lo khek suokpui nghe nghe a nih.

- 1. Ei lengna tlanghai indang sien khawm Ei nina iengkim hi adang chuong nawh. Ei ditdan, hawihet, chetzie reng hi, Danglamna reng a um naw ie.

Tukhawm insuk hran ding hrim ei um nawh.

Chikhak hnamkhat tuolchengza ei nih.

Ei piengzie reng a dang nawh.

- 2. Sinlung suok zo nauhai ei nih. Zo nauhai ei chengna hmun po hi. Zoram a nih inngih nawng ei tih. Zoram mawi le inhawi ei ta di n , Pathien ruot reng a lo nih ie.

- 3. Sak thlang sim le hmara cheng po hai, Ei nina hrein hmatiang pan ei tiu; Tuhin ei tumhai dang hri sien khawm Khuonun mi la suikhawm a tih.

Mizo hnathlakhai hi pi pu tienami a inthawk ngawt khawm hin tukhawm insukhran ding ei um naw zie a suklang. Kawl phaia an khawsak lai hunah khompat khuo an sat a , chu hmuna chun Bung an phuna, chu Bungpui chu Hmar, Lusei, Paite, Halkha, Lai, Gange, Dai, Bawng, Pang le Langrong hai hin an pi le puhai phun a ni thu an hriil thei seng a nih. Chun, tienami tamtak ei nei laiah “Sura” tienami hi ei nei deu seng bawk. Ko dan ruok chu a dang met met a, Lushi in Chhura an ta, Hmarin Sura an ta, Paitein Penglam anta, Laizo le Zahauin Tenglam anta, Gange in Bilpi anti bawk. Zo hnathlak dang danghai khawmin ko dan dang dang nei deu fur an tih ti ring a um. Pi le pu haia inthawka rothila ei nei hieng , Darbel, Darkhuong, Paikawng, Dawrawn , Leidar, Zakualaisen, Thangsuopuon, etc, hai hi kan ta ei ti thei seng hi unau, chikhak, hnamkhat ei nina sukchiengtu a ni bawk. Mizo hnathlakhai hi tawng hran seng neiin colony hran sengah ei chengna, mani hnam tepeng le mani tawng seng humhalin hma ei laka, hieng lei khawm hin ei tawng hausak zie a tarlang a nih.

Manipura zohnathlakhai hi Churachandpur District Kangpokpi (Senapati Dist.) le Imphal khawpui lai ei cheng deu taka, Manipura cheng zo hnathlakhai vawngna em em chu Penticost ni ang khan mani tawng seng hmangin ei inbiekpaw theia, tawng ei inhrietuuo hi a nih. Sulkhak suok unau khawm ngaidan in angnaw changchu ei inhalin ei insuol chang khawm a um hlaka, Chuong ang bawkin unau hmehai thaw chang le indo chang khawm a um hlak reng a nih.

Kum 2015 a ei thenum chalanghaiin Tribalhai harsatna intlun theiding zawnga Assembly a Bill 3 an passed khan ei thanguolna lei chauvin tu chen hin umzie nei lovin a um a nih. Ei thanguolna lei Chauvin sorkar khawmin a min za phaha nuom a ningin thil a thaw ngam bik ta nawh ti ei hriet.

Aw le, Sinlung suok zo nauhai hi har ei ta, inthuruola pheikhai inruolin hmatiang pan pei tum ei ta, ei ram ei hnam humhal dingin nang le keia inngat a nih ti hrieng ei tiu a, Chibing, hnam bing ti lovin Pi pu hun laia inthawk ei chengna ram humhal dingin theitawp suo tlang ei tiu le. Inremna le inthuruolna chauh naw chun hmasawna sirbi hraw thei ngai nawng ei tih ti hi thlasik anga inkhel lo a nih. Ei inthuruolna a tha phawt chun ei hmatiang kaw l a eng tan a , mihai mi sirde le hmusitna hai ei pumpel theina ding chun inremna le inthuruolna apawimaw tak a nih. Aw le wavi zana ding chun hi po hi ei hriil thei tawki ni phawt sienla, Ngaithlatuhai Chibai le.

**Hindu sakhuo thuoitu Z category security**

**NEW DELHI:** Sawrkar thlungpui chun Hindu sakhuo thuoitu Mata Amritanandmayi, ‘Aamma’ tia hrietlar chu “Z” category VIP security pek dingin a puong a, hi dungzui hin

Central Reserve Police Force (CRPF) in vengh- himna an pek a nih. Z Category security hi India ram khawlai hmuna khawm a dawng dinga ti a nih tiin ministry of Home affairs

chun a hriil. Z category security hn- uoia hin CRPF personnel 40 in venghinma mawphur an ta, dozen hin vel hai chu a fe le hungna bul haia an zui zing ding a nih. Intelli- gence agencies a hringna tawkpaw tum an um nia report an pek leia hi thil hi thaw a nih. Kum 2005 le 2012 hai kham mi pahni han that or suknat tumin an lo bei ta a nih. (TNN)

**Social Media Post Pakhatah Rs.48 Lakh Pei**

**LOS ANGELES:** Social media hmang seng seng ei inthlaw thei ngei. Eini rawiin mi demna ding le inselna dinga ei hmang laiin celeb- rity milar tamtak chun social media haia vavi khat thil an post a, thil an suklarna man (one post/promotion) ah India paisa Rs.48 lakh vel (\$75,000) an hlaw phak niin US Federal Trade Commis- sion chun a hriil.

Abikin US celebrity hai, Twitter le Instagram hman- gtu, zuitu (followers) nuoi tel tela nei Sofia Vergara, model Heidi Klum, foot- baller Allen Iverson, reality TV star Kim Kadarshian, Kourtney Kadarshian, sing- er Selena Gomez le a dang danghai chun followers an hau leiin company hai chun an thuumhnaw promote- a suklarna dingin vavi khat post ah \$75,000 chen dam an pek hlak niin an hriil.

Celebrity hai sum tamtak tak an hmuna hai hi tax lo an nih hlak leiin tax enkaitu Federal Trade Commission chun, social media haia an thil post leia an sum hmu zathai puong (declare/ disclose) hlak dingin milar iemani zat chu inhrietirna a pek a. Milar 30 le company 40 an thang. Anni lai hin Lucy Hale, Ashley Benson, etc. le company Adidas, Johnson & Johnson, Saint Laurent North America, etc hai an thang.

Social media a hung um china inthawk hin advertise- ment tuah hriet hran an tak tah em em a. Print media anga advertisement le news, etc thlier hrang ang hin a thei nawna tamtak a um a. Social media hi a hratin a remchang bawk si leiin sawrkar khaw- min monitor harsa a ti hle niin TFC thusuok chun a hriil.

TV le print publication hai angin advertisement le non-advertisement content hriet hrang an tak a. Abikin social media ah lem chu hriet hran an tak bika. Family le personal picture an post-na mei meia khawm company, abikin social media enkawltu Twitter, Instagram, Facebook, etc. han content an lo belsa thei a. Advertisement thawna dingin a remchang em em a. Site neitu khawmin Dollar tamtak tak an hlakpui hlak niin a hriil bawk.

Entima dingin, ha khelna amanih ha varna toothpaste pakhat chu Kourtney Ka- darshian-in a hmang leia tha a ti thu a post mei mei a, 85, 000 likes a hmu nghal a. Chuhai laia 40% pek chun lo thei lovin an lo in- chawk/hmang ve nghal a. Company-in an hlakpui hle hlak a nih.

Chuong ang chun mi tamtak tlung theina a nina tak hi advertisement thaw- naa hmang tngkai thiem chun sum tamtak hmuna a ni leiin Facebook le Twitter, SnapDeal, Instagram, etc neituhai chun an hlakpui em em hlak a nih. A hmang- tu seng sengah khawm, zuitu le friends hau milar haiin an lo hlakpui ve a nih. FTC hriet nuom tak chu, celebrity haiin thil an post, personal or official, haia hin paisa an hmu hlak am? Company lo hmang tangkai an um am? Paisa involve- na a ni chun sawrkar dan an zui am? Advertisement le non-advertisement thlier hrang thei an nih am? thiai le, social site neituhai hai hin an sum hmu inphuin tax an pek am thiai a enka a nih. Nangte, social media i hmang khan i hlakpui am paisa i seng lem?

**APCC in Centre chungah nuorna nei an tum**

**ITANAGAR:** Arunachal Pradesh Congress Commit- tee (APCC) chun, sawrkar thlungpuiin state sunga Banks haiah pawisa indaitawk a hung pek naw leia mi naran, nitina inhlawfa le sum- dawngtu han harsatna nasa tak an tuok a, hi le inzawmin

Bank haia sum indaitawk hung pek a ninaw chun state pumpui huopa strike an nei ding thu APCC president Takam Sanjoy chun zani hmasa khan a hriil. Hi thua hin Central le state sawrkar hai chu chawlkarkhat sung hun an pek. (AT)

**Bangladesh mi US dollar 2.3 lakh leh man**

**AGARTALA:** Border Security Force (BSF) han zani hmasa khan Tripura- a Sipajjala district sunga Srimantapur check post-ah Bangladesh mi 4 hrentanga an dapnaah US dollar Rs. 1.32 crore (US dollar 2.3 lakh) anghu zet leh an man niin zanita police thusuok chun a hriil.

valid travel documents an nei a, international currencies (foreign pawisa) phurlawn tu an ni thu Police an hriil. Hieng mi 4 hai hi Bang- ladesh- a Comilla district- a inthawk India ram hung lut, Kolkata an fe hnunga an ram tieng pan tuma hungkir nawk an nih tiin Sonamura SDPO Babul Das chun a hriil. (PTI)

**Delhi Assembly in EVMs le paper trail hmang dingin**

**NEW DELHI:** Delhi As- sembly in Electronic Vot- ing Machines (EVMs) sukdanglam thei a nih tia in- tumna chungthu zani hma- saa an hriitlang hnungin hmatiang election hung um ding haihang President le Election Commission chu paper trail le inkawp EVMs hmang dinga ngenna reso- lution an passed.

Zani hmasa khan Delhi Assembly-ah AAP MLA Sourabh Bhardwaj chun EVM prototype machine hmangin EVM sukdang- glam thei a nizie demon- stration a nei a, sienkhawm AAP in EVM demonstra- tion an thaw hi a hnawl a nih.

**Mi insel a thel naah sunhlum**

**JAIPUR:** Rajasthan- a Kota hmuna chun zani hmasa zan- tieng khan nupa tuokkhat hai chu Garh palace Fort lai nasa takin an inselbuoi a, an inselna thel le sukrem a tum naah Gurugram mi kum 22- a upa Anil Bama- l chu a phing taka sunhliem a ni a, a lung a tawkfuk leiin a ruol han inrang takin Bas- ant Vihar hospital panpui a ni a, sienkhawm damzo lovin a thil.

gibility-cum-Entrance Test (NEET) a huoihawt huna Kota centre- a exam pe ve a nih.

Mr Anil Bama- l thina le inzawm hin chema sunhlu- mtu Lalit Kahar (19) of Kaithunniol chu Kota Police han zani hmasa khan an man. Bama- l hi a ruol hai le Garh palace sir dinga fe, an hungkir tieng Lalit Ka- har le nuhmei pakhat nasa takin an lo inselbuoi a, chu huna Bama- l hin va thel a tumnaah Lalit hin lung- sena chemte keidawka Bama- l hi a sun el nia hriil a nih. (TNN)

Mr Anil Bama- l hi Pa- thienni liemtaa India rama MBBS in- chuk ding thlang- suokna dinga National Eli-

**Ni 2 cham dingin PM Sri Lanka-ah**

**NEW DELHI:** Prime Minister Narendra Modi chu ni 2 sung cham dingin vawisun hin Sri Lanka pan a tih. May 12-14, 2017 inkar sung Colombo khawpua Buddhist festi- val lientak ‘International Day of Vesak’ celebra- tion hmang dingah khuo- lien- a thng dinga fiel a ni anga PM Modi hi Sri Lan- ka- a inzin ding a nih. Hi Conference- a hin khawvel rambung tum tuma 100 chuong haia Buddhist delegates 400 chuong an thng beisei a nih.

calendar a chun Lord Budha piengchampha a nih. PM Modi hin Sri Lanka a cham sungin for- mal taka ram thuoitu hai inbiekpuina ding induo- nglawk umnaw sienkhawm Sri Lanka ram thuoituhai inbiekpuina a nei ring a nih tiin External Affairs Ministry- a Joint Secretary (Indian Ocean Region), Sanjay Panda chun a hriil. Tuta tum hi Narendra Modi in PM a ni hnunga Sri Lanka an zin vawihni- na ding a nih. March, 2015 khan PM hi Sri Lanka- ah a lo zun zin ta a nih. (PTI)

**AAP a inthawk Gurpreet an ban; Upkar Sandhu an hnawtdaw**

**CHANDIGARIH:** AAP Punjab unit Convenor hlui Gurpreet Singh Wairai- ak ‘Guggi’ chu zanikhan AAP party- a primary member- ship a inthawk inbanna a pek. State unit Chief dinga Sangrur MP Bhagwan Mann ruot tumna tuah a lungawinaw leia AAP mem- ber a inthawk inban a nih.

Hieng laizang hin Aam Aadmi Party (AAP) chun zanikhan Amritsar- a in- thawk party senior leader Upkar Singh Sandhu chu party kal zawnga thil a thaw le Punjab Unit BJP chief- dinga Sangrur MP Bhag- want Maan ruot tumna a sa- wisel leiin party a inthawk an ban. (PTI)

ALL INDIA RADIO: CHURACHANDPUR PROGRAMME		
Date: May 11, 2017 (Ningani)		
TRANSMISSION- FM-101.4 Megahertz		
Hours	Studio/	Programme
4.53pm	CR/P	Signature
4.55pm		Vande Mataram, Time Reading, Opening Announcement & Mangal Dhvani
5.00pm	P	Hymns to God : (Patite) Doni Donbiakmawi (dev)
5.05pm	P	Local Announcement/Prog. Summary
5.10pm	P	Minor Dialect (Simte): Minthang & party (mod)
5.25pm	P	Science Hints (Paite): “Personal Hygiene” by Kamthianil Valte
5.30pm	P	PAITE Prog. Sig. Tune & Announcement Announcer: Nhangbiaklun 1) Felix Muansang & party (dev)
6.00pm	P	HIMAR Prog., sig. Tune & Announcement Announcer: Nhanggaiphun 1) Jehovah Khawzawl & party (dev)
7.00PM	P	THADOU Prog., sig. Tune & Announcement Announcer: Vahkhoham 1) Nemneilam Baite (mod)
		Farm & Home: Paite 1. Ginlian Hangzo 2. Talk: Violence against women- by Pumsiankim

LAKTAWI

Kapil Mishra in bung-heia nuorna a tan

NEW DELHI: Delhi-a Aam Aadmi Party minister bana um Kapil Mishra chun zanita inthawk khan bung-heia nuorna a nei tan.

Mr Mishra hin AAP leaders hai chu foreign an inzina funding details mipui hmua pholang dingin a phut a ni a, a thil phut hi sukputling a ni hma lo chu nuorna hi a nei ding thu a hril.

Mishra hi AAP Conve-nor le Delhi Chief Minister Kejriwal chu indiklo taka Rs. 2 crore dawnga intuma a sawisel leia AAP a inthawk hnawtdawk a nih. (PTI)

NCP senior leader Ar-jun Tulshiram a thi

MUMBAI: Senior NCP leader le Maharashtra minister hlui Arjun Tulshiram Pawar chu kum 80 mi niin enkawla a umna Bombay Hospital-ah zanikhan a thi. Mr Pawar hi kum tam takel Nashik district-a Kalwan (ST) constituency-a inthawk MLA lo ni ta, kum 2014 election-a kha tlingzo ta lo a ni a, kum 1999 khan Congress-NCP in sawrkar an siem hunah Tribal Welfare minister a lo chel a nih. A ruong wawisun hin Nashik hmuna rawliem ning a thi (PTI)

Naupai lai a nu a that

BHOPAL: Madhya Pradesh-a Alirajpur district-a chun pasal naupang kum 13 mi chun thla 6 mi naupai lai mek a piengna nu Shayari Bai (32) chu bu a hni a, a nu hin a pek elnaw leiin Kawite hmangin a nu hi a vuok hlum. A nu hi a phing taka a hlap a ni leiin a thi nghal nia hril a nih. Hi thil tlungna hmun hi Alirajpur-a Jobat area-a Desalpur village a ni a, sun dar 11:30 vela kha tung a nih. (ENS)

Silai leh chuktuoin Car lakpek

SRINAGAR: South Kashmir-a Pulwama district-a Samboora hmuna chun zanikhan silaichawi pak-hatin civil mi pakhat Car var-a chuong chu silai leh chuktuoin a Car lapekin a tlanhmangpui. Hi thil tlung hi Car neitu chun Police-ah report a pek a, a car hi tulai hnei ela kha an chawk thar a ni thu le permanent registration number khawm la neilo a ni thu a hril. (PTI)

Netherlands in India a thlawp

NEW DELHI: India sawrkarin United Nations Security Council (UNSC) a permanent member ni tuma hma a lak meknaah Netherlands chun India sawrkar a thlawp thu Dutch Foreign Minister Bert Koenders chun a puong.

Karnan man dingin Kolkata Police hai Chennai-ah

CHENNAI: Supreme Court in Court inzalo tia intumna leia thla 6 sung jail intang dinga order an suo khum Calcutta High Court Chief Justice CS Karnan man dingin Kolkata Police hai chu zanikhan Chennai an tlung. Justice Karnan hi Tamil Nadu-ah a um naw nia hril le Andhra Pradesh-a a um nia hril a ni a, zani zantieng kha Chennai a hungkir ring a nih.

BSP in Nasimudin le a naupa party-a inthawk a hnawtdawk

LUCKNOW: Bahujan Samaj Party (BSP) chun Naseemudin Siddiqui le a naupa Afzal hai chu party-a inthawk a hnawtdawk. Party dan kala thil an thaw lei le slaughter houses iemanizat leh inzawmna an nei bakah 'benami' properties a hminga a nei leia party-a inthawka hnawtdawk niin BSP General

Secretary le Raja Sabha member Satish Chandra Mishra chun a hril. Siddiqui hi Banda a cheng niin Uttar Pradesh-a party incharge le a hnungah MP unit in-charge a ruot nawk a nih. BSP chun Siddiqui hin sin thawna dingin mipui kuoma inthawk thamna pawisa a lak tiin an intum bawk a nih. (PTI)

AP minister naupa Hyderabad-ah eksiden in a thi

HYDERABAD: Andhra Pradesh Municipal Administration Minister Ponguri Narayana naupa Nishith (23) le a ruolpa Raja Ravi Varma hai chu zanikhan Hyderabad-a Jubilee Hills hmuna an chuongna SUV hrat taka tlan in metro rail pillar a baw leiin an thi. Nishith hi an sungkuo ta Narayana Educational Institution a director a nih.

Nishith le Raja Ravi Varma hai hi an ruolhai le party-a fe. In an inlawi zani zignkar dar 3 vela kha eksiden hi an tuok a nih. Motor khaltu hi Nishith a nih. An tlan hrat taluo leia eksiden hi an tuok niin an lang tiin Polic chun an hril. Minister P. Narayana hi London-a inzin mek a ni a, a naupa thi lei hin India ram tieng a hung pan nghal. (ENS)

Chennai underground metro train hmasa tak



CHENNAI: Chennai Metro Rail chun Chennai khawpui sunga a hmasatak ding underground metro Rail chu Pathienni hin mipui sawr thei dingin a hawng ta ding a nih. Tuta hmain Kolkata, Delhi le Bengaluru haiah underground metro train hi hawng a lo nita a, Chennai a hawng ding hi India rama underground metro rail line a palina ding a nih. Hi underground metro Rail line hi km. 8 a sei a

ni a, Nehru park a inthawk Koyambedu inkara service ding niin underground stations 5 a nei bawk ding a nih. Chennai metro rail line hi May 14, 2017 hin hawng a ni ding thu Metro rail officials han a sukchieng tah. Hi underground rail line hi Tamil nadu minister for industries, steel control, mines & mineral and Special initiatives MC Sampath khawmin a va enfel tah. (TNN)

ICJ in Kulbhushan Jadhav khaihluom ding a cheltang

NEW DELHI: Pakistan-a Field General Court Martial in Indian Navy Officer hlui Kulbhushan Jadhav (46) khaihluom ding a chungthu a rel chu International Court of Justice in a cheltang.

Pakistan Military Court chun Mr Jadhav hi India ram ta dinga enthlathu sin thaw a nih tia intuma khaihluom ding a chungthu a lo rel a ni a. Sienkhawm India sawrkarin ICJ a dawr hnungah khaihluoma

ding hi a cheltang a nih. Khaihluom dinga relna le inzawma ICJ in order an suo thu hi External Affairs Minister Sushma Swaraj chun Kulbhushan Jadhav nu biepwain thil umdan an hrietir ta bawk. (AIR)

South Korea President Thar-in Buoina Sukfel Tum

SEOUL: South Korea President thar dinga thlangting Moon Jae-in chun, an rang thei angin America le China hai inbiokpui zingin North Korea nuclear program leia hi lai biela boruok sosang pei le buoinahai chu sukfel vat a tum niin a hril. President thar anga thu a hrilna hmasataka chun, North Korea nuclear ralthuom le US-in THAAD an hung sie leia Washington le Beijing kara inhiethiem nawna um chu sukfel tul hmasatak nia a hriet thu a hril.



ernor lo ni tah, President hmasa pahnhai lo thangpui le thlawtu niin, 2000 le 2007 ah North tieng le inbiekna (Summit) lo neipui tah a nih. A appointment ruok hi chu Parliament-in an remtipui a ngai. Cabinet post le Presidential staff dang dang, March thlaa President Park Geun-hye corruption leia peithlak a nina le inzawma ruokhai sukbitna dingin inrang takin hma a lak vat vat ngahl ding thu a hril bawk a. Parliament building-a thu a hrilnaa chun, "Security buoina khawm hi inrang taka sukfel ngahl tum ka ta. Washington ah fe ngahl ka ta. Beijing le Tokyo khawm feng ka ta, boruokin a zir chun, Pyongyang khawm"

PM in SC a integrated case management system a hawng: equation thar a puong nawk



NEW DELHI: Prime Minister Narendra Modi chun zanikhan Supreme Court-a digital filing system hawngin Supreme Court Website-ah Integrated Case Management Information System (IC-MIS) a thunlut. Hi thil hawng le inzawm hin zanita inthawk khan Supreme Court chu paperless a hung ni ta ding a nih. Hi huna PM Modi in thu a hrilnaah, High Court

le Supreme Court Judges han vacation an suktawi na chungah lawmthu a hril a. Tulai khawwela technology pawimawna hrilin, hun inthlaktlang ang peia inthlaktlang a pawimaw a nih tiin a hril a, E-Governance hi easy Governance effective Governance environment friendly Governance a nih tiin a hril. Law Minister Ravi Shankar Prasad chun, India rama High Courts,

District Courts le Sub-Division Courts hai chu hmateng peiah hi system thar hmang hin thlungzawm le India rama Jails hai popo le thlungzawm vawng a la hung ni pei ding thu a hril.

Prime Minister Narendra Modi chun India Prime Minister lo nita hai laia danglamna tak a neibikna suklang nawkin zanikhan India hmakhuo hrilfienna dingin zanita Supreme Court digital filing system thar a tlangzar huna equation thar a siem nawk.

PM in zanita equation thar a puong nawk chu "IT+IT=IT" a ni a, a lamsei chu "Information technology + Indian Talent = India Tomorrow" a nih. (AIR/TOI)

Kashmir Army Officer kaphlum saa hmu

SRINAGAR: Kashmir-a Army Officer Lieutenant Umer Fayaz (22) chu zani hmasa zan khan south Kashmir-a Shopian hmuna a sunghai ina inthawk helpawl mi 5/6 vel han an thuoihmang a, zani zingkar khan Shopian district-a Harmain area hmuna kaphlumsain a ruong hmu a nih. Lieutenant Umer Fayaz hi a sung hai innei ding an um leia chaw la, inneinaa thang dinga a fe huna hien-



gung sietna hi a tuok a nih. Lt. Fayaz hi Kulgam District mi niin Rajputana Rifles-a um le Jammu-a Akhnoor area-a posting a ni a, Army a zawmna hi thla 5 vel chau a la liem a nih. A sung le kuo han dam le hima la hmu nawk an in-

beisei lai a thisaa a ruong hmu a hang ni el chun an lung a thawng nasa hle.

Umer Fayaz hi National Defence Academy (NDA) a lut a ni a, NDA hockey team a lo thang le volleyball inkhel thiem takel a ni bawk a nih.

Kashmir a bikin south Kashmir-a Police personnel hai chu an khuo haia inzin lo dingin tulai hnei khan state police department chun thurawn a lo pek ta hrim a nih. (PTI)

Trump-in FBI Director James Comey a ban

WASHINGTON: Mak tak taka che thut thu US President Donald Trump chun, FBI Director James Comey, 2016 Presidential election ah Russia an rawl le an rawl naw fie tuma sui mektu chu hrillawkiengkhawm an lovin a sina inthawkin a ban. Trump chun, James in election laia Hillary Clinton e-mail put suok thu le Russia inrawlna thu a sui thubuo le inzawmna ban a ni thu a hril. Ban a ni lai hin James chu Los Angeles pana a fe mek lai a nih a. Banna lekha hi a office ah lo va sie a nih. Democrat le Republican sanga mi thenkhat chun, election laia Russia hung inrawlna fie thei ding a um lei le Hilary Clinton intuma thukhel a nizie fienna a phawrlang thei ding nia hriet a ni leia ban niin an ngai.



Democrat tamtak chun, US President hlui Richard Nixon-in 1973-a Watergate scandal thubuo sui special prosecutor pakhat a banna "Saturday Night Massacre" tia hrietlar leh an khaikhin a. President sukmuolpho theina ding dangnaa Presidential power hmang suolah an ngai a nih. Democrats hai khawmin James thil suidan chu tha an ti wawng naw lai zingin banna ding em chun a lan hma taluo tiin an hril a. Political vendetta a nih tiin an hril.

khawm a hung phawr a, thudiklo a nizie hrilfie nawktu a nih a. Tuhin Trump a tling theina dingin Russia a hung inrawl tia Intelligent report suicheng tum mek a nih.

Intelligent report dungzuin, Federal Prosecutors hai chun Trump a national security adviser hlui Michael Flynn chu thu indawn dingin an ko a. Flynn hi Russian ambassador le an inbiekna thukhel hril leiin Russian han an black-mail le thei ngirhmuna ngir a ni thu Jan 26 khan Attorney General Sally Yates chun Senate panel a hril a. Chu zoa Flynn khawm ban ngahl a nih. FBI lutak ban a ni tah leiin spy agency chu a buoi hle a. White House chun FBI director permanent ding mi a zawn mek thu a hril a. James Comey banna hi, Dy Attorney General Rod Rosenstein recommendation dungzuia President Trump-in a thaw niin a hril. Rosensteini chun, "Hillary Clinton e-mail thubuo suinaa khan James hin a thawsuol nasa hlea ngaidam thei an nawh" niin a hril. James a Dy Andrew McCabe chu acting-director lo ning a tih.

White House ruok chun, Trump thil thaw hin political motivation iengkhawm a nei nawh a. Sin hne lova hriet lei chawh le mi tah lem sie theina dinga thaw niin a hril. Democrat Senate leader Chuck Schumer chun President Trump phone-in a thil thaw an dik naw zie a hrilin, "I thaw suol nasa hle a nih. America mipuihai ringzona hmu kir nawkna ding umsin chu Russia inrawlna fie le fie naw chawh hi an tah" tiin a hril a. "Ramin an hmangna lientak a nih" tiin a hril.

James Comey hi Barrack Obama-in 2013 kuma a ruot a nih a, 2023 chen service ding a nih. Ama'n Hillary Clinton e-mail thu

Trump chun, "Hun thumah thu tha tak tak i mi hril leiin ka lawm hle a, kei chu sui ka ni nawh ti i mi hril bawk a. Anachu, Department of Justice han i sin i hne nawh a, bureau (FBI) i phur hne nawh mi i ti ka lawmpui ve a nih" tiin ban a nina san a hrilfie pek a. Lekha hi Oval Office Operation hotu Trump bodyguard Keith Schiller-in FBI office a va pek.

SIELMAT CHRISTIAN HOSPITAL & RESEARCH CENTRE FREE EYE CATARACT DETECTION CAMP

Hung tlung ding Inrinni (Saturday) Date 13th May, 2017 zing dar 10:00AM -1:00PM hin Sielmat Christian Hospital-ah Eye Cataract Detection Camp a um ding a na, a thlawmin in en thei ning a tih. Operation a lo tul khawma a pangngai neka man tlawm lemin Operation thaw thei ni bawk a tih. Advance booking thaw thei ninaw nih. First Come Firse Serve!

PRAYER ASSEMBLY A THANG DING A FIELNA

Lalpa chun "Ka mihai, ka hmang chawia ko hai chu an insukhuoia, an tawngtaia, an Lampui rilohai chu ngatsana ka hmel an hung zawn chun, vana inthawk chun lo hrieng ka ta, an suol chu ngaidam ka ta, an ram khawm sukhrisel bawk ka tih". 2 Chronicles 7:14

Hung tlung ding 19-21 May, 2017 sung khin Pherzawl, Pherzawl District ah hnam pum huopin Prayer Assembly NPT huohawtna hnuoiah nei dinga programme siem a ni a, hi Prayer Assembly thiltum tak chu Pathien in Pherzawl District, district thar a mi pek leia lawmthuhriina, Pherzawl district hi induonga a ni dan ang taka a hung puittling theina dinga Pathien kuoma hnina le ei ram le hnam sungah Pathien thlarau kan thar nawkna a tlung theina dinga tawngtai beipui program hi buotsai a nih. Programme hi pawl bik umloin a nuom taphawt hai chu thang dinga fiel ei nih. Hi Prayer Assembly hi Camp system anga hmang ding a nih. Hi Prayer Assembly a fe nuom taphawt, sum le puona kut rawl nuom hai le thu hre chieng nuom hai hin a hnuoia hai hi Contact thei zing a nih.

Sd/- Upa Lalmanlien # 8575604953 Sd/-Pu Lalruotnghak # 8575638891

ACCELERATE XII Foundation Course-Engg/Med TOPPERS BATCH - Target JEE/NEET 2018. Features: Faster Pace to stimulate brilliant minds & create State-Toppers (>80%) and Letter-Marks Competition. Concept Based Teaching- Foundation for Engineering & Medical Aspirants - Integrated with Board Preparation Eligibility: Above 60% in XI/XI Boards (in Maths & Sci). Start 15th MAY 4.00Pm-6.00Pm Fee: 2,000\*/month. Contact: 857551524/8119871471. JEE Mains 2018 Course Starts 23rd May. NEET 2018 Course Starts 23rd May. Course Fee: 25,000/- (Get Disc) Duration: 8 Months.

PIGROW Tablet

VAWK INTHANGNA DAMDAWI. I vawk zawr hun tlingna dingin kum khat nek tam nghak ngai tanaw nih.



A THATNA: \* PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih. \* PIGROW mum hin, i vawk chu i pek tana inthawk chawl der loin an thang tir thei.

A PEK DAN DING: \* Vawk pakhatna nikhatah mum 20 (zingtieng mum 10 le zantieng mum 10) pek ding. \* Box khat ah mum 600 a um a, chu chu thlakhak sunga a fakzo ding a nih. \* Rawt phita pek in fak awlsam an ti lem.

INCHAWK THEINAHAI: 1. Hmingi 2. L.K. Screen Printing Bethel, CCPur Lighthouse Lane, CCPur # 8414852391 3. Pet Care Centre, Tiddim Rd. CCPur. Order tam dan dungzuin HOME DELIVERY khawm kan thaw thei.

LAWMTHU HRILNA

Hun iemanichena inthawk ta khan Pile natna ka nei a. Sawt tak tak inhnawmmain hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chawin ka hung cher deu deu a. Cha beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chungka a hung hri a nih. MV Azad Phusam hi nitin 8AM-4:30PM inkar sungin Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biekrwn thei a nih.

Lawmthu hriltu, Sd/-Nungthang Haokip Tuibong

Police station-a sawisak le suollui niin an tum

SRINAGAR: Jammu and Kashmir-a nuhmei kum 25 mi pakhat chun Police station-a Police officer le Police constables han a silfen hlip pekin a serah hmarchaphit an thun pek bakah a serah beer bottle an thun pek niin an tum.

Intumna siemtu nuhmei hi Kana Chak, Jammu district-a Dhayaran area mi a ni a, mi ina sinthawa inhlawfa a nih. A umna nu leh sinthaw chungthuah an inselbuoi a, chu huna a umna nu hin police koa an mantir niin an tum. Chawlkarnhi zet hrentang a ni hnungin Inrinni khan bail-a insuo a ni a, bail-a a suok hnung hin Gandhi Nagar, Jammu Hospital-a admit a nih. Hi chungthu le intumna hin Jammu hmuna mipui lung a suksen hle a, Jammu DC Rajiv Ranjan chun intumna um hi suizui dingin Order an suo. (ENS)

Nikum-a Priyanka Chopra Assam an zin hunah state sawrkarin Rs. 2.37 crore a seng

GUWAHATI: December 24, 2016 a state tourism brand ambassador Bollywood actress Priyanka Chopra Assam-a an zin hunah...



a um navh tiin a hril Himanta Biswa Sarma chun a hril. Priyanka Chopra kha "Awesome Assam" ti campaign a thang dinga Assam...

kuomah Assam-a tourism campaign promotion a dinga Assam Tourism Development Corporation...

Harry, Motor Khal Puma Mobile Hmang Fine

LOS ANGELES: Britain Got Talent a inthawka hung inlar tan, One Direction hai member hlui, malzaia fea hlawtling tan mek Harry Styles chu a hlawtlingna...



dan an siemthar hin, hieng anga traffic dan bawsetu point 12 hmuhai chu an driving licence an chan thei a nih - abikin driver thar kum hni neka tlawm motor la khal an ni lem chun an case a rik nawk zuol a nih.

lem chun paisa fai £1, 000 an fine sa bawk ding a nih. Britain le Europe ramahai chun motor khal laia mobile phone hmang hi khap a nih a. "Hans-free" kuta chel loma mi le an inbik thei chun phal a nih a, hearing aid/ ear phone dam hmangin. Amiruokchu, an kut pahni steering wheel a chel nawh a, an mobile phone an them pal khawma inchawitir le man thei an nih. Motor khal lai chu mobile phone them

MANIPUR

SSUM in CM kumah Memorandum an pek

IMPHAL: Socialist Students' Union of Manipur (SSUM) chun Maphou Dam to Chinkheiching inkar raw water transmission work thawna chungthuah enquiry committee indina suizui dingin zanikhan Manipur CM kuomah Memorandum an pek. An Memorandum a chun tulawng phumna a thatawk naw thu, pipe leaked thei

ngirhmunna a um leia mipui a bikin Imphal East area a cheng han titthawng an nei thu hai an ziek. Hi sin hi Central Water Commission (CWC) 2015 a thaw a ni thu an zieklang. Chun, Loktak Seam chungthu CBI investigation thaw dinga pek-dawk a ninaw chun May 20, 2017 a inthawk student body han nuorna an tan ding thu an zieklang bawk.

Carla Howe-in Joe Macari Car Tuom Mawi

LONDON: Motor Car hi an nal reng reng a, nal taka design an nih lem chun mit an lak a, mi tin inhnar an nih. Car chu nuhmei le tekhn an nih hlak a. Chuleichu'm a nih ding model hmethla le pieng nal, Playboy model Carla Howe meuin Joe Macari car nal tak nih zing tasa khawm a hei tuom mawia, a hei in-pose-pui vel chu Joe Macari Car a sukhlu sawt a. A car thamna le nalna le a hmethatna an phu taw vel char a nih.



Kum 26-a upa Carla Howe hi a vanglai tak, mani khata la 'single' beiseitu tam tak nei a nih a. Tulai khawvella Car nal tak le design-type bakhat tan inelnaa a hrattaka ngaihai kher promote-tu dinga Carla an hmang hin umzie inthuk tak a nei a nih. Carla hin Ferrari Car sen London show room-a mi ngei chu a hei tuoi vel a. A seat sen vawng Dunlop chungah kawng iner tawnin thung a hei in-pose chu, Car inchnawk nuom naw ngaina a um nawh. Dit a um hlie hlie el a nih.

Social Welfare Minister Lawmlutna Nei



IMPHAL: Social Welfare Minister Ms Nemcha Kippen chu Nilaini khan Department of Social Welfare, Govt of Manipur chun Bal Bhavan, Khuman Lampak ah lawmlutna an nei a. Lawmlutna hunsera a thuhrihna ah Ms Nemcha chun, social welfare department chu ram le hnam, khawtling le state hmasawna dinga pawimawtak department a ni leia department thawktuhai thang la nasa nawk zuol dingin an fui.

kawkhmutu department ni tuma hma la dingin a hril taw. SW department sunga chu hlepruk le fakruk nasataku do ning a ta, thawktu le visitor khawm hlep ru le fa ru hmu le hriet an nih chun an chungah na taka action lak ngahl pei ning a tih. Chief Minister Mr N. Biren Singh irawina hnuoia BJP sawrkhar chun fakruk hlepruk a dit nawh a, iengkim tlang taka thaw vawng a tum a nih tiin a hril a. "Fakruk hlepruk um tah nawkna society indin ei tiu" tiin a fiet taw. Function-a hin Principal Secretary Mr J.C. Ramthanga, IAS, Director, Social Welfare, Surrender A Shishak le official pawimaw dang danghai khawm an thang.

Zakuohnuoi (bikini) dum a hru nei chi a haka, a pieng nalzie po po an lang vawng a. High heels dum leh Ferrari Car sen a kawtkharhai inhawng vawng sirah a hei ngir chu. A dung an sang baw, a sam sen thal inkhai thla hnakin, kul pakhatin Car kawtkhar a tung zawnga hawng a chel a. Nal tak a nih. Thalak pakhatu chu Car bonnet chungah a thung a, a nal ti chu nepte a nih. Carla them ngei Car hi tam takin an inchnawk nuom ngahl a nih. Amiruokchu, hieng anga hmethla le nal hi, X Factor-a winner lo ni tah, hlasakthiem James Arthur (28) chun a message hai a hnawla a tiem ngai naw niin a hril ve tlat. James hi Carla leh SMS tamtak inthawn hlaka hril a nia chu James hin a hnawl a. A hlasak career a ngai pawimaw lem niin a hril. Simon Cowell leh contract an ziek lein nunghak a buoipui rak hman naw ding a nih. Carla ruok chu 'free' niin company han man to tak takin an sawr lawra, khum laizawl contract ang chi ruok chu a hmeth enin awm sienkhawm a thaw ve ngai naw niin a hril. Joe Macari khawm hi Car tlan inelath thangin a Car nal tak tak le hrat tak hai a zawr chauh ni lovin London ah chu servicing khawm a thaw ngahl a nih. Joe Macari car dam i lo dit pal chun, hi hin chanchin kimchang hriet thei a nih. London Showroom. 249-251 Merton Rd, London, SW18 5EB. United Kingdom. Tel: +44(0) 20 8870 9007 E: events@joemacari.com Opening hours: 9am - 7pm.

Norway Lalahi kum 80 an tling ve ve lâwm

OSLO: Europe-a Royal Family hai laia ropui pawl le an mipuihai ngainat, Royal Family po po an kim ti thei dinga Royal Family tamnak la ni dingin Nilaini khan Norway lal King Harald le a nuhmei Queen Sonja kum 80 an tling ve vena lawmna hunser nei a nih a. Europe lalahi an kim hle. Tu kum 2018 hin kum 80 ve ve an nih.



an ropui hle. Lalmu chun Gown hring leh a lallukhum (Crown) a khuma, lalmu nina sinsiena puon-hru sen a pumah a zem baw a. Lalpa Harald khawm a dum suit-in lal nina sinsiena puon-hru sen a awmah a zem baw a. Guard of Honour petu, sipai tlangal tak tak smart deuhain an ngir huol lai a hung phe i. Kum 80 nih tah ding chun an la hrat hle. Norway lalahi 'milestone' tungna ni ropuia lal sungkuo hrar hrar hung thung vaha chi; Sweden a inthawkin King Carl Gustaf, Princess Sofia (Guest of Honour) le Crown Princess Victoria le Princess Desiree hai khawm nal takin an hung a. Countess Bernadotte le Belgian-a pieng a nauu Desiree Kogevinas (39) hai khawm an nih. Luxembourg a inthawkin Grand Duchess Maria-Teresa a hung a. Netherlands a inthawkin King Willem-Alexander le Queen Maxima an thang a. Denmark a inthawkin Queen Margrethe le Crown Princess Mary khawm a hung thung baw a. Norway lal sungkuo mi Crown Prince Haakon, Crown Princess Mette-Marit

le an sungkuo dang danghai an nih. Denmark Queen Margrethe khawm kum 77 mi a ni ta chun a la hrat ve hle. An pieng kum lawmna hunser an hmang zo hin inchnungawng (balcony) a inthawkin an ram mipuihai chibai an buk a. Lal sungkuo danghai po chun balcony dangha inthawkin mipuihai chibai an buk ve thung a. An ram mipuiin an lalahi an la ngaina hle ti an lang theia, tuta kara mipuiin lalahi an hmu theina ding umsun hun a nih. Ningani hin lalpa Harald le lalmu Sonja hai chu, an lawng lien Norge chungah Royal Guest niin bu fak tlangva ve nei an ta. An piengchampha lawmna program tawpna tak dingin Royal Palace a inthawkin Royal Guard han Oslo khawpui kawt thlerah parade-in Oslo Opera house chen lalahi veng an ta. Milien le mi pawimaw fielh lai thei thung awtin 'fireworks' hai leh ropuitakin a vawrtawp hun hmang an tih.

American Idol 2018 a inthawk tan nawk tum

LOS ANGELES: Kum 2005-07 laia inlar zuol, Fox TV-in ni kuma a suktawp, khawvel mihriem 30 million velin an thir hlak, eini lai khawm kakhawk lientak neia wawisun chena "Indian Idol" "Mizo Idol" "Zomi Idol" le a dang danghai ei lo thaw vena pha, mi runtu laia pakhat "American Idol" chu American Broadcasting Corporation (ABC) in kum thar 2018 a inthawkin thaw thar nawk a tum.

kha British hai "Pop Idol" (2001-03) a inthawka entawn a nia chu a hung inlar tah lem a. Khawvel rambung hrar hrar India, Australia, Latin America han an hung entawn sup zing lain rating a tla hnuoi tiel tiel lein 2016 season 15 chenhah FOX TV chun a suktawp tah a nih a. American Idol lei khan Kelly Clarkson, Adam Lambert, Jennifer Hudson le a danghai an inlar pha a nih. "American Idol" thaw nawkna ding thu hi "Good Morning America" ah ABC TV host Robin Roberts-in a puong a. "Very exciting announcement. Wawituk hin tlang hriet dingin American Idol chu ABC TV-in a hung thaw nawk tah ding a nih ti ka hril cheu" tiin a hril a. Sawitawte sungin social media Twitter ah 'trending' insangtak a nih ngahl.

Amiruokchu, detail puong a la ni nawh a. Host ding khawm hril a la ni baw nawh a. Tamtak chun Ryan Seacrest baw an ringin an

beisei a. Actress inlar le milien tamtakin an comment sup sup a. Mendes chun, "Zing ka hei thoa American Idol a um nawk tah ding ka hriet hmasatuk chu ka him hle. Anachu...tu nam a host ding? Ryan Seacrest a hung kir nawk ding a ni?" tiin host dingin Ryan baw an beisei nasa hle. ABC TV chun detail ruok chu legal thil le contract thilhai sukfel a ni pha puong a nih chauh ding niin a hril.

14th State Level Hmar Martyrs' Trophy 2017: Player tha ruol fuonkhawmna Club pali inkhel niah UKB le FC Ridil an hrat a Semi Final an kai

State Level Hmar Martyrs' Trophy a wavi 14-na hmawrbawk a hnai deu deu a. Entu khawm an tam deu deu. Zani (10th May 2017) khan Cup la thei ding thal team palihai chun Quarter Final an inkhel a. Inkhel hmasa lemah Group E topper HYA Imphal le Seikam Memorial Football Tournament 2016 Champion lai mek United Khawzims' Brothers (UKB) an inkhel a. UKB hin goal khat ngawi hmangin hnena an chang a, Semi Final an kai. UKB ta dinga goal umsun thuntu chu Ginminthang a nih. Half chenhah goal a lut nawh a, minute 70 naa a thun a nih. HYA Imphal hin Pre-Quarter Final-a khan Thenmuol FC Penalty hmangin 3-2 in an hne a (hun pangaiah 1-1 in an inangtaw). UKB khawma Pre-Quarter Final-ah FAST-B hai Penalty baw hmangin 3-0 in an hne. Anni kha hun pangaiah goal thun bik um



lovin 0-0 in an inhnetawk a nih. Inkhel pahinaah goal thunrawn le wawikhatnaa hung inlang FC Ridil (Pre-Quarter Final chenhah FC Ridil hin goal 20 an thun hman) le Zomi Namni Football Tournament 2015 Champion lai mek Lenlai Club an inkhel ve a. Anni khawm hi player squad an chun a khang tieng tieng a sie bik an um naw a, Manipur-a tlangmi player inlar iemani zat nei ve ve an nih. Pre-Quarter Final-a khan Lenlai Club chun Zeal SC 3-0 tawpin an hne a nih. Zanita inkhelah Lenlai Club le FC Ridil goal thun bik um lovin hun pangngai ah an inhnetawk a, Penalty-ah FC Ridil chun 3-1 in hratina an chang a, Semi Final an kai ve tah a nih. Wawisun hin inkhel um nawng a ta, zinga khin Semi Final inkhelna hmasa lem um a tih. SEMI FINAL FIXTURE: 12th May 2017 (Zirtawpni); 2:00pm Sielmat YC Vs United Khawzims' Brothers 13th May 2017 (Inrinni); 2:00pm FC Ridil vs FAST-A

Harpreet Singh in Bronze medal a lak

NEW DELHI: Asian Wrestling Championship zanita New Delhi hmuna tana chun India mi Harpreet Singh chun Greco-Roman weigh division-a 80kg. category-ah a khingpui China mi Jun Ji Na chu chuhnein Bronze medal a lak.

Harpreet in quarterfinal-a a hnezo lo Korea mi June-Hyung Kim chu Gold medal round a lut. India chun Nikum-a Bankok khawpua champi-onisp a kham medals 9-1 Gold, 3 Silver le 5 Bronze a lak a nih.



Imphal East-in OORIA CAPFU U-19 an lâk

IMPHAL: OORJA CAPFU Under-19 Talent Hunt Football Tournament 2017 Final match chu Nailaini khan Khuman Lampak ah nei a nih. Imphal East Club chun Thoubal Club chu 6-3 zeta hnein hrat tak nina an lo lak. Thoubal Club chun second half ah goal khat chauh an thun tah. Nuhmei ah chun KRYPHSA, Naoremthong-in Eastern Sporting Union (ESU) hnebanin hrat tak nina an lak baw. A hrat tak ve ve Champion team hai kuomah hin cash prize Rs. 50, 000 ve ve inhlân a nih.



OORJA CAPFU U-19 Talent hunt Football Tournament 2017 hi Assam Rifles hai huoihawt a nih a. Khuman Lampak main stadium ah "Arise, Awake and Stop Not Until The Goal Is Reached" ti thupua hmanga nei a nih. Final match ah hin Education, Labour and Employment Minister Mr Th Radheshyam chu Chief guest a nih a. Lawmman latuhai lawmna a sem. Player of the Tournament chu Gopi, Thoubal Club inhlân a nih a. Oinam Bembem Devi Running Trophy 2017 (Girls) chu KRYPSA Captain N. Ratanbala inhlân a

UEFA Champions League: Davi Alves zarin Juventus chun Monaco hnein Final an inhlangkai



UEFA Champions League hmawrbawk a tung tep tah a, Nilaini zan khan Semi Final hmasa lem Leg 2 inkhel a nih a. Italian Club Juventus chun Leg 1 a 2-0 a an hne sa Monaco an lo mikhuol a. Mario Mandzukic le Dani Alves hai goal hmangin Juventus chun 2-1 in an lo hne a, aggregate goalah 4-1 a hrat lemin Final an inhlangkai ta a nih. Kum 3 sunga Final an kai wawihnina a nih.

Kum 2015 khawm khan Final an kai a, Barcelona lakah an tlawm lem a nih. Minute 69 naah Monaco chun Kylian Mbappe hmangin goal khat thun ve hai sien khawm an goal bat an rul zo chuong naw a nih. Mbappe goal khat lei hin Juventus tieng a zawna wawiruk clean sheet an nei chu an hung suktawp ta a nih. Mbappe hi Champions League chanchinah Semi Final-a goal thun thei naupang tak a la nih. Tuhin kum 18 a pal mek chauh a nih. Juventus Manager Massimiliano Allegri chun, "Champions League-a inkhel hi thil awmsa a ni ngai naw a, Monaco khawm Final kai an phu ve hle a, anachu ka rawihai an khel tha a, a hrat lemin kan thang ta a nih. ka rawihai chungah ka lawm takzet," tiin an inkhel chungchawng thu a hril. June 3 khin Champions League Final hi Cardiff khawpuihai inkhel ning a tih.

FIFA in world-record Man. United Pogba transfer a suizui ding

MANAMA: FIFA chun August 2016-a French midfielder Pogba Juventus a inthawk Manchester United-a pound 89.3 million (dollar 111 million, 105.2 euros) a transfer a nina chungthu a suizui ding niin khawvel football-a thuneitu insang tak FIFA chun AFP a hril. Pogba (24) hin English club-a a career a tan a, sienkhawm Italy a pan hmain Premier League ah wawithum chauh an lang a nih. Serie A-ah a hmang a tha hle a, kum 2012 le 2016



inkar khan a umna Juventus chu league titles 4 zet a lak-pui a nih. Pogba hi kum 2015 a Champion league final a khawm khan an lang a, sienkhawm Barcelona lakah Juventus chu 3-1 in a lo tlawm a nih. (AFP)

Table with 11 columns: Team, PTS, GP, W, D, L, GS, GD. Lists Premier League standings for teams like Chelsea, Tottenham, Liverpool, etc.